



1. Lutheri. Martini: außlegung
 des propheten jona, 1526.

2. _____ schreiben an den
 Bischoff Albrecht zu Magatz.
 1526.

3. _____ das die werth
 Christi: die ist mein lob
 nach jese, psalm. 1527.

4. _____ antwort auf
 des Königs in England laßen
 schrift. 1527.

5. — Historia von Leonhard Pöyßer
undammung in passau. 1527.

6. — Ob man sich an
Proben fließt misst, 1527.

7. — Vier trostliche
yphalm an die Königin
von Ungarn, 1527.

8. — undruck zu visita-
tion an die yphalm in
passau, 1528.

9. — brief von den
amiranten, 1528.

10. — von der salzen
bitter bebrüg, 1529.

11. — von sein bischof
von bürger, 1529.

12. — undruck von
soffern, 1530.

13. — brief an den
Cardinal zu Mayatz, 1530

- 14 Lutheris. Martini, vortragung
zum Sacrament, 1530.
15. ——— Sermon, von Wenz
und Bidu, 1530.
16. ——— yndigt, daß man
die Kinder zur schule
solle, 1530.
17. ——— Bericht von fürcht
der schule, 1530.
18. ——— von der schule
1530.
19. ——— ~~Lutheris~~ vortragung auf
den reißtag in 17 articlen,
1530.
20. ——— der 117 psalm,
1530.
21. ——— der 111 psalm
1530.
22. ——— der 98 psalm,
1530.

23. ——— von Latatall yalm,
1530

24. ——— yw'digt von dem
fuzler, 1531

25. ——— sermen von Zor.
Pöpfung Jerusalem, 1531,

26. ——— sermen von
Maria Magdalena, 1531.

27. ——— uns lofzeit
ywdigt, Hebr. XIII, 1531.

28. ——— mittrufft uns
man siß gegen die
tpraachen versaltu soll, 1531


29. ——— reavnung an
die lüt/er 1531.

30. ——— vom saung zuin
sacrament, 1531



FoL 1083
AK

§





Auff des konigs zu
Engelland lester
Schrift titel
Mart. Luther.
Antwort.

Tom. III. Jen. Germ. p. m. 330. b.

M. D. xxvij.

IN OMNIBUS ANIMIS
ET IN OMNIBUS
CORPORA
SICUTI
SICUTI

III



Es ist widder mich armen Sunder ein

büchlin izt ausgegangen zu disem neuen iare / vnter dem name
des Königs zu engelland sampt meinem briue / welchen ich
so gar demutiglich an den selbigen König hatte geschrieben /
dazu ich nicht on ursach / auch nicht durch geringe leute ward
bewegt. Tu ist das gewis vnd hat keynen zweyuel / das solch
büchlin der König selbs nicht hat gemacht / Vnd sol ganz
heimlich seyn / wer es habe gemacht / Doch also / das man den
meister greiffen solle in seynen Worten / wer er sey. Er tastet
auch an mit schmach Worten mein büchlin widder den freien
willen geschrieben / welches doch Erasmus Roterdams des
selbigē Königs bester freund einer hat müssen lassen vngewis-
sen / vñ auch noch sol vngewissen lassen / wie wol er mehr küst
vnd vernunft yn eynem finger hat / den der König zu engel-
land mit allen seynen klüglingen / Vnd trotz nicht alleine dem
Künige vñ Erasmo / sondern auch yhrem Gott vnd allē teuf-
feln / das sie mir das selbige büchlin recht vnd redlich verles-
gen. Doch ich verdencke den König warlich nicht / weil er so
viel Engellotten solchen gesellē ierlich gibt / das er auch wid-
derumb yhrer kunst / büberey vnd heucheley wol brauche / vñ
wünsche yhm / das er sie möchte erkennen / was sie an yhm
suchen. Engellotten mügen wol kluge vnd sprachreiche leute
machen / wie Persius spricht / das auch die Elster soltē zu letze
wol reden lernen / wē nur gelt furhanden were.

Wolan ich wolte zu dem büchlin / auß grossem hohmit
wol stille schweigen / vnd wie ich vber solchen giftigē büch-
ern pflege / einen gutten frölichen mut haben / wo mir nicht
durch solch büchlin / mein brieff (weys nicht durch wen es ist
geschehen) dahin gedeutet wurden / als hette ich Pallinodiam
gepiffen / Das ist / meine lere widder ruffen / Das ist mir gar
yn keynen weg zu leyden / Den das gehet nicht an meine per-
son (Welche sol schweigen vnd leiden) sondern meine lere
(Welche sol schreyen vnd schmeissen) Hie gebe mir Gott nur

A ij Keine

Keine gedult noch senfftmüt/ Zie sage ich/ Klein/Klein/wenn
ich eine ader regē kan/ Es verdriesse/ König/ Keisser/ Für-
sten/ Teuffel vnd wen es wil.

Hilff Gott/wie genaw vnd mit geschwinden griffen sucht
man mich. Bin ich nicht ein theurer edler man? Ja freilich
yn tausent iaren ist kaum ein edler blut gewesen/ den der Lu-
ther/Wie sol? Rechne du selbst/ Es sind nu drey Bepste ge-
wesen/so vie Cardinal/ Könige/ Fursten/ Bischoue/ Pfaf-
fen/Münche/grosse hansen/ gelerte vnd die ganze welt/die
allzumal an des Luthers blut/verrehter/mörder/vñ hencf er
sind/ odder yhe gerne wolten sein/ Vnd der teuffel auch mit
den seinen/Pfu dich/ Ich bin meinem blut selbst feynd/wenn
ich dran dencke/das ich solche herliche/köstliche hencfer vnd
mörder haben sol/ Dem Türckischen Keiser solte solche ehre
widderfaren/nicht solchem armen bettler/ als ich bin. Aber
weil sie es ia sein wollen/ mus ich solche ehre leiden vnd aus
yhrem zorn vnd wueten/ meins hertzen freude vnd spiel ma-
chen/Diese fastnach würde mir sonst villeicht nicht freuden-
reich gnug seyn/ich hette den solche/mechtige/hochgeborne/
gelerte laruen vñ narren/ die mir hoffierten/ Weis yhn auch
fur war auff dis mal aus grossen armut/ kein ander trang-
gele zu gebē/den das ich bitte/sie woltēs nür mehr machē.

Dem nach gan ichs zwar dem Könige zu Engelland/da
zu dem teuffel auch fast wol/das sie solche/arme/ elende bet-
ler vber mir werden/ vnd sich so flicken müssen/ auff das si-
an mir/die löbliche ehre eriagen/das ist/das ich sie fur mein
stocknarren vnd göckler habe/Sie wollens nicht anders ha-
ben/Den so war Got lebt/welcher König odder Furst mei-
net das sich der Luther fur yhm demutige der meinung/ als
rewe yhn seine lere vñ habe vnrecht geleret/ vñ suche gnade/
der betreugt sich selbs weidlich/ vnd macht yhm selbs ein
gulden trawm/ da er eitel dreck finden wird/ so bald er auff
wacht/ Der lere halben ist mir niemand so gros/ Ich halte
yhn fur

ynn für eine wasserlase vnno noch geringet / vn tollt mich
anders aus.

Ernstlich aber ist das die meinüg / das ich bitte alle frumē herrn vnd freunde yn Christo / den villeicht das narrenbuch des Königes zu Engelland fürkompt mit meinem brieue / Sie wolten sich ia nicht ferē an den titel / den sie mit großem mutwillen drauff gedruckt haben / vnd nu ruffen vn iauchzen / Der Luther habe widder ruffen / Das ruffen vn iauchzen las man sie haben vn treiben / wie hoch vnd weit sie wollen / Den hinder grossen rhum ist allewege nichts / wie dē Papisten bis her an mir / so mancher rhum / ist zu dreck worden / Aber das ich solt etwas yn heymlichen briuen widder ruffen / das ich mit offentlichen schriftē lere / ist nichts / Vnd solt ia gлебlicher sein das / wer sich furchtet / viel mehr seyne lere öffentlich schewet zu rhūmen / vnd lieber heimlich dauō schweget / Ich aber ia meine lere nu so viel iar / freilich gung habe öffentlich dar gethan. Aber es sind Königliche vn fürstliche bossen / doch so lam vnd lose / das sie sich der selbigen wol möchten schemen.

Den so toll bin ich / gott lob / nicht gewesen / das ich verhoffet hette / mein brieff solte heimlich bleybē bey dem Könige alleine / darauff sie doch sich ganz verlassen vn meinē / sie habens troffen / Darūb ich mit allem vleis das verkomē habe / yn dem selbigen brieue / das ich mit meiner demut / nichts habe wollen meiner lere vergeben / Vnd liese nūr den selbigen brieff / wo er recht gedruckt ist / findestu nicht drinnē / das ich meine lere außgenommen habe vn fürbehaltē yn solcher demut gegen dem Könige von Engelland / so schilt mich den freyen bösewicht / verleucker / vn verrheter Christi / Findestu es aber drinnen / so richte du / was das für gesellen sind / die es dürffen Palinodia deuten / ich schreib ein mal Hertzog Georgen auch einen demütigen brieff / Aber das stück lin muste gleich wol drinnē sein / das ich meiner lere halben mich nicht so demütigte. Mir nicht viel widderruffens odder demütigen

A iij gens

gens der lere halben.

Sūma/ meine lere ist das heubtstück/ darauff ich troze/
nicht alleine widder fursten vnd kōnige/ sondern auch widder
alle teuffel/ vñ habe zwar sonst nichts mehr/ das mein hertz
erhelt/ sterck/ frōlich vnd yhe lenger yhe mehr troziger ma-
cht. Das ander stuck/ mein leben vñ personlich wesen/ weis
ich zu guter massen selbs wol/ das es sündlich vñ keines tro-
zens ist/ Ich bin ein armer sūnder/ Vnd lasse meine feinde
eitel heiligen vnd Engel sein/ Wol yhn/ so sie es können er-
halten/ nicht/ das ich fur der welt vnd den vnchristen solchs
sein wil/ sondern fur Gott vnd seinen lieben Christen/ fur der
welt wil ich auch frum sein vnd bins / so seer / das sie nicht
werd sollen sein mir die schuchrimen auffzulösen/ Sie sollen
mir auch mit der warheit nicht bey bringen / das ich fur der
welt yemand zu nah lebe. odder thu/ wie ich wol wil yhn bey
bringen. Kurtz/ Ich bin niemand zu demütig/ vnd niemad
zu hohemütig/ gleich wie S. Paulus sagt/ Ich kan hochfer-
tig sein vnd kan auch demütig sein/ Ich kan mangeln vnd
kan auch gnug haben. Meiner lere halbē bin ich teuffel/ kei-
ser/ kōnig/ fursten vñ aller welt/ viel/ viel/ viel/ zu stolz/ steiff
vnd hoffertig/ Aber meines lebens halben bin ich auch eym
iglichen kinde demütig vnd vnterworffen/ Wer das nicht
gewust hat/ der hōre es izt.

Dem nach/ da ich mich beredē lies/ der kōnig zu Engell-
land were umbkeret vñ dem Euangelio geneigt worden/ fur
ich zu / vnd wolte meine person gegen seine person entschul-
digen/ wie dē ein iglicher Christ seiner person vnd werck hal-
ben sich fur den andern demütigen vñ gnade bitten sol/ nach
der lere S. Pauli/ Ein iglicher achte den andern höher denn
sich/ Vnd S. Jacobi/ Bekenne einer dem andern seine sūnde
vñ bittet fur ein ander/ Ich hette sonst wider disen noch kein
andern kōnig angesehen. Was solt ich den feyren vnd umb
gnade bittē/ den ich fur Gottes feind hette gehalten? Tu ich
aber den

aber den König zu Engellād / seinē verdienst nach / da er mich
so giftig angreiff / widerüb auch wol angetastet hatte / wolt
ich mich der lere S. Pauli halten / mich demütigen vnd umb
gnade bitten / als der mir nu ein ander mā / den zuvor / gepre-
digt war / Dachts auch / Er wurde widderüb gegen mir auch
also thun vnd Christliche demut an mir auch erzeigen / Aber
da ist kein ander gedācken / den / ich bin König / so ist der möch
ein betler / Also hab ich die demut dazumal verloren vnd bin
betrogen / Doch mir on schaden. Er sitzt droben / der die bet-
ler mit den selbigen argen ansihet / da er Könige mit ansihet /
vñ er thar wol so kecke sein / das er einen König nicht ansehe /
vnd sehe einen betler an.

Es gehet mir aber warlich recht / vnd were vnrecht / wo
mirs anders gienge (wen ich menschlichen anschlegen folge)
Den den Krebs gang nach / Mein lieber herr Doctor Justus
Jonas / lies mir keinen friede mit anhalten / Ich solte Eras-
mum ia erlich angreifen vñ demütiglich gegen yhm schrei-
ben / Domine Doctor (sprach er) Ihr gleubt nicht / wie ein
feiner venerabilis senex er ist / Des gleichen thet auch (wol
yhm) der feine mensch Wilhelm Mesenus / Ach / wie zulobten
mir die zween den Erasmus / wie gar eitel e Englichs ding
muß ich hören vnd gleuben / wie wol mir die Apologia wid-
der Stapulensem viel anders sagt / Tu wie fein ist's gelügen?
Ich meine / Er habe vns allen wol gedanckt / sonderlich dem
vnschuldigen / seinem gunstigen vnd freundlichem Messeno /
Doch ein weiser man sol kein kleine torheit thun / Sie können
recht wueten (sehe ich wol) wen sie recht troffen werden / die
sonst ydermā / gedult / sitticheit vnd sensste lere vñ auffruckē.

Desselbigē gleichen / mein gnedi. herr König Christiern
König zu Denemarck macht mich guter hoffnūg so vol / des
Königs zu Engelland halben / das ich gleich dunere / lies auch
nicht ab mit worten vnd schrifften / schenckte mir so viel guter
wort ein / ich solte mir demütiglich schreibenn / es wurde nutz
schaffen ꝛc.

schaffen ic. bis ich davon truncken ward vñ daumelte bei mir
selbs also / Wer weis den? Es sind des tages zwelff stunden/
wenn du eine gute stunde treffen kündest yn Gottes namen/
vñ den König zu Engelland gewinnē / werestu es ia schuldig
zu thun / vnd wo es an dir solt feylen / thetestu sünde / Ich ar-
mer trunckenbold / speiet also den demütigen verloren brieff
eraus / den fressen nu die sew / vñnd zureissen mich / Vñnd ich
meinete doch es weren eitel heiligen / Ich habe leider die ver-
manüg Christi nicht gehalten / Math. vij. das ich die perlen
nicht für die sew wurffe.

Das ich mich für Hertzog Georgen zu Sachsen auch so
demütiget (Ists werd davon zu reden) kam auch daher / das
grosse feine leute seiner landessen mein gewissen erseufften /
mit grossen fodder vol vertröstung / als solts dem Euäglio
fodderlich sein / das er bisher verfolget / Da für ich daher /
ein einfeltiger armer mensch / lies mich mein gemacht gewis-
sen dringen / das ich ia nicht ursach were / solchs schadēs vñd
hindernis / Da traff ichs auch aus der massen fein. Zu Aug-
spurg muste ich mich auch demütigen / Da meinet der Car-
dinal / ich kröche zu kreuzen / vñd rieß schon / Jo / triumph. Zu
Wormbs / yhe mehr ich mich demütiget / yhe weniger draus
ward. Töchts nicht das ich mich auch also demütigt für dē
Churfürsten zu Brädenburg? odder was schadets / ich wid-
der rieffe auch auff die weise für dē Hertzogen zu Beiern vñ
dem Erzherzogē Ferdinando? Ich hoffe / es solt mir auch
ein solche hofe suppen zu teil werden / Es hette mir leicht ei-
ner gepfiffen / ich hets gethan / So geschehe mir auch widde-
rumb recht / das mir so würde harab gegeben / Was suche ich
rüffichter asschenprüdel zu Königs vñd fürsten hōfe? Da ich
doch weis / das der teuffel oben an sitzt vñ sein hōhister thro
ist? Ich wil den teuffel frum machen on seinen danck vñnd
Christū bey yhm finden / So gibt er mir billich solchen lohn.
Kom widder lieber Luther / vñd suche noch auß Johannem
den teufel

Den teuffer ynn der Könige höfen/da mā weiche Kleider treget/
Ich mein/du wirst yhn finden.

Ich bin ein schaff vnd bleibe ein schaff/das ich so leicht-
lich glaube/mich so furen vnd leyten lasse/ solchen iuncker zu
hofieren/vnd nicht viel mehr/meinem syn folge/das/wo ich
ein tyrannen odder hochgelerten einen stich geben hette/vñ
sie drum zürneten/ Ich dreyszig stiche hinach gebe zur rewe
vnd buesse/so wüßten sie/ wie ich widderrieffe meine lere/
Sintemal ich doch weis/ das die tyrannen/ nichts denn den
armen madensack meinen leib/ vnd die hochgelerten/ meyne
ehre/nemen können/welche doch sonst kein augenblick mein
sind. Die welt wil nicht anders dē veracht vnd generret sein
odder nerret sich selbs.

Aber doch/ was ich des gethan habe/rewet mich nicht/
weil ichs dem Euangelio zu dienst gethā habe/welchem ich
wol mehr zu dienst thu vnd thun wil von Gottes gnaden/vñ
frewe mich vber die masse scer/ das so hertzlich guter einfel-
tiger meinunge von mir geschehen ist/ Vnd so schendlich vñ
lezerlich von der welt wird angenomē/ Denn das ist mir ein
gewis zeichen/wie es Gott so wol gefellet/der es hie auff er-
den nicht wil haben vergolten/ sondern recht wol (wie sich
ein Christlichen werck gebürt) gerolt/ geplagt/ gecrentzigt/
Was von Gott kompt/ das mus also empfangen werdenn/
yn der welt/ Sein eigen son ward auch also empfangen. Das
vrtail steht aber da/ Wir verlieren nichts dran/ sondern ge-
winnen alles/ Sie gewinnen nichts dran/ sondern verlieren
alles/ Ich habe das meine gethan/ vnd bin vnschuldig an
yhem blut vnd verdammis/ Vnd wens kund yhrer seelen on
schaden abgehen/wolt ich nicht liebers wunschē/denn das
yderman mit mir so vmbgienge/ wie diese/denn das ist mei-
ne speise/vnd werde fett dauon/ Vnd ich acht auch/das ich
lengest/ wie eine spynne verschmacht were/ wo mich die les-
termeuler nicht so sterckten vnd erhielten/ Es heist/ Omnia
cooperatur spiritus in bonum electis/ das ist so viel gesagt/
B i Meiner

Meiner feinde zorn vnd wueten ist meine freude vnd wone/
Trotz das sie mirs weren odder verkeren.

Das alles nicht on ursache/Denn so wir gleybē/das vnser
HERR Ihesus wird am iungsten tage gericht halten/
vber vns alle/Wie kan elender mensch sein den der Luther/
so er vnrecht hat vñ falsch leret? Solcher glaube vō gericht/
würde yhm gewislich nicht viel guter stunde lassen/Widder-
rumb/wie kan ein seliger mensch sein denn der Luther/so er
recht hat vnd Christlich leret? Solcher glaube vom gericht/
kan ym nicht viel böser stunde lassen/Weil nu das gewis ist/
das entwedder der Luther odder sie/müssen ewiglich in dem
hellischen feur brennē vnd braten/müssen ia die frölich sein/
die gewis sind/das sie recht haben/vnnd die erschrocken/so
vngewis sind/odder wissen/das sie vnrecht haben. Denn so
gewis als Kain vnd Juda ynn der helle sein müssen/so ge-
wis ist auch als were es bereit da/das der Luther odder sei-
ne feinde müssen ynn der hellen sein/welche vnrecht haben/
Da wird ia nicht anders aus/das weis ich fur war/Aber da-
von gnug/Denn man gleybt des nicht/Es ist zu hoch vnd zu
ferne.

Da bit ich aber vmb/Rat vnd sage mir/wie sol ich mich
doch halten gegen solche köpffe? Schreibe ich scharff vnnd
hart/so nimpt mā ursache meine lere zu verdammen/mit sol-
cher farbe vnd schein/Ich sey stolz/hoffertig/beysig/vnge-
dultig/Widderumb demütige ich mich/so haben sie aber ur-
sache vñ sagen/Ich fliehe/ich fürchte mich/Ich heuchle/Es
habe mich meine lere gerewen vñ widderuffe. Es gehet mir
eben wie Christo sagt Math. xi. Pfeiffe ich/so wollē sie nicht
tanzen/Klage ich/so wollē sie nicht trawren/Es sind klet-
ten vñ disteln köpffe/wie mā sie wirfft/so kerren sie die stach-
eln vber sich vnd vmb sich/vnd müssen stechen/Wür vns hel-
liche feur mit solchen blumen vnd fruchten/da gehören sie
hin/Du edle zarte welt/wie ein lieblich niedlich bisslin bistu
doch/vnselig sei/dem nach dir hungert. Das wil ich aber thū
Meiner pers

Meiner person vnd lebē halben wil ich mich demütigen für
yderman auch für eym kinde/gnade vnd gonst bitten/so fern
sie dem Euangelio nicht feind sind/ Denn für mein leben/
geburt mir nichts denn der hellen abgrund/ das weis ich ge-
wislich/so es gestrenge gericht wird/Aber meins ampts vnd
lere halben/vñ so fern mein leben der selbigen gleich ist/war-
te nür niemand keiner gedult noch demut/sonderlich die tyrā-
nen vnd verfolger des Euāgely/ Denn da sollen sie mich für
sinen lebendigen heiligen halten/da sol nicht anders aus wer-
den/Wollen sie nicht/so müssen sie/so lange ich dran hange/
dazu mir Gott helffe/bis ans ende/sonst ist verloren.

Ja wen meine lere kein andere feinde hette/den den König
zu Engelland/Hertzog Georgen/Babst vnd yhre gesellen/
arme wasserblasen/wolt ich der sachen lengest mit eym stück
vom Vater vnser geraten haben/ Weil aber andere da sind/
acht ich solche feinde/wie die ungen Tisse/welche ehe denn
leuse drans werden/ledige/dürre/belge sein müssen. Ich gan
aber den selbigen Tissen die weil wol/das sie rhumen vñnd
singē/ Hie sitzen wir Tisse auff dem heubt des edelsten thi-
ers auff erdē/ yn seinen harē/sind nicht gerings herkomens/
Leuse sind vnser veter/die grossen Risen/die auch den Rö-
mischen keiser Silla ertödet haben vnd viel andere/was solt
denn der betler Luther gegen vns sein? Ist war/Tisse seit
yhr/Leuse seit yhr aber noch nicht worden. Ach was ist doch
die welt gegē Gott vnd Gotts wort? Ein kleiner staub ist sie
(spricht Jesaia) Das ist noch geringer denn Tisse/ Was ist
itz/Pilat9/Herodes/Hannas/Caiphaz gegen Cristo? Was
ist Nero/Domitianus/Maximianus? Was ist Arrius/Pe-
lagius/Manicheus? Eben das/das vnser tirānen vñ hoch-
gelerten bald auch werden sollen/Vñnd Christus dennoch
bleibe/Doch das beste hyrin für sie vnd für vns ist/das sie es
nicht glauben/Wo sie es glaubten/Keine Christus zu solcher
ehre/vnd sie zu solcher schande nymer mehr.

B ij

Aber

Aber was sol ich auff die Papisten hinfürder fast zornig
sein? Welche meine offentliche abgesagten feinde sind/ vnd
was sie an mir thun/ das thū sie nach feindes recht/ wie sich
gebürt. Aber das sind mir aller erst die rechtschuldigē/ mei-
ne zarten kinder/ meine brüderlein/ meine güldē freundlin/ die
rotten geister vnd schwermer/ welche (als mich dünckt) wid-
der von Christo noch vom Euangelio etwas dapffers hette
gewußt/ wo der Luther nicht zuuor hette geschrieben/ Vnd
freylich durch yhre kunst aus des Papsts tiraney/ yn solche
freyheit vnd liecht sich schwerlich hetten gewirckt/ odder wo
sie es hetten thun kunden/ hetten sie es doch nicht thurst an-
greiffen noch wogē/ Denn zu der zeyt/ da ich alleine im kápff
stund/ Bullen vnd bann/ beide Papsts vnd Kaisers dazu
aller Papisten anfechtē leiden muste/ waren sie aus der mas-
sen/ künne/ freydige/ vnuerzagte helden/ stil zu schweygen/ vnd
mich alleine yn schlam erbeyten zu lassen/ Tu mir aber Gott
gnediglich geholffen hat/ das ich mir vn̄ yhn ein wenig lufft
vnd rawm gemacht habe/ Vnd sie mir solten beystehen vnd
helffen vollend den streit ausfuren/ wie ich mich auff sie ver-
lies vnd vertröstet/ fallen sie von hinden zu vber mich armē
wol gemarterten menschen/ vnd greiffen mich dazu gewo-
licher an denn die Papisten thun/ Da mus ich ein newer pa-
pist sein/ Sie sinds/ die Christū recht predigen/ Die Sacra-
ment müssen her halten/ die sind nichts denn merckzeychen
worden/ Damit man die Christen zeichet/ wie mā die schaff
mit rötelstein zeychet.

Ly wie fein streite ich doch/ Ich liege zu felde wider die
Papisten/ vnd dencke/ meine brüderlein sind hinder mir vnd
helffen/ so zünden sie mir die weil die stad an/ vn̄ morden al-
les was drinnen ist/ Vnd rhümen dennoch dazu/ das solchs
ein geringe ding sey/ auch an den Sacrament niche sol viel ge-
legen/ darüber man nicht solle zancfen/ geben vber die mas-
grosse liebe/ friede/ einickeit vn̄ demut fur/ Ja das sie nichts
vergesen/ preiffen sie sich selbs/ wie grosse merckerer sie sind/
vnd so.

vnd so viel leiden müssen/ auch vo Luther/ Der Luther aber
leide gar nichts/ habe auch den geist verloren/ vnd gehet auff
eitel rosen. Ich meyne/ das sey ein recht erz tücklin/ vnd das
aller reissigest stücklin/ das mir der leydige teuffel beweisen
konne. Ach arff ein solch bisslin solt ein ia ein trunck schme-
cken. Tod ist bitter/ Aber das leben/ welchs sol solche stücke
sehen vñ leiden/ solte ia nicht so gar susse sein. Ich hette nicht
gemeinet/ das S. Pauln wort so ernst weren vñ so viel gol-
sen/ da er von falschen brüdern redet/ Ich must es auch er-
faren/ was es für ein kreutlin were.

Ich hatte bis her schier allerley versucht vñnd erlidden/
Aber mein Absalom/ mein liebes kind/ das hatte seinen vater
Dauid noch nicht veriagt vnd geschendet/ mein Judas der
die iünger Christi zusuchen vnd seinen herrn verrhiet/ der
hatte das seine noch nicht gethan an mir/ Das ist nu auch im
werck/ Gott sey gelobt/ vñnd sein gnade müsse es waltenn/
Wunder hatte mich/ warumb mir die vers ym Psalter so gar
nichts schmecken wolte/ da er spricht/ Der meines brods ass/
trat mich mit fussen/ Vnd aber mal/ Du warest mein geselle/
mein pfleger vnd mein freund/ Die wir freundlich miteinä-
der waren ym geheym/ wir wandelten yhm hause Gottes zu
hauffen. Wie faule weyden schmacten sie mir zu der zeyt/
Aber ich meine/ ich habe köche kriegen/ die sie mir gewürtzt/
vñ zur galreden gesetzt haben/ das sie mir schmecken müssen.
Ach das sind die aller guldesten freundlinn/ Heyst das/ des
menschen haußgenossen werden seine feinde sein? Warumb
verstund ichs zuuor nicht? Sind das die sew vnd hunde/ die
sich vmb keren vnd zureissen vns/ wen wir heiligthum vñnd
perlen yhm für werffen? Herr Gott/ wer wust es? Do lieber
rüncker Luther/ lerne ein ander mal/ was das heist/ Hüttet
euch für menschen/ Bistu ein Doctor/ vnd wilt den teuffel
fast wol kennen/ vnd weissest das noch nicht.

Wolan allzusamen/ wie yhr zu samen seyt vnd zu samen

B ij gehört/

gehört/ Teuffel/ Papisten vnd Schwermer/ auff einem hauffen/ nur frisch an den Luther/ yhr Papisten von forne her/ yhr Schwermer vō hinten zu/ yhr teuffel vō allen enden drā/ hegt/ iagt/ treibt/ getrost/ Ihr habt das rechte wild fur euch/ Wenn der Luther ligt/ so seyt yhr genesen vnd habt gewonnen/ Ich sehe doch wol/ das alles verloren ist/ Es hilfft kein schelten/ kein lerē/ kein vermanen/ kein drehen/ kein verheissen/ kein bitte/ kein flehē/ kein gedult/ kein demut/ kein heuchlen/ kein locken. Wie ichs versuche/ wende vnd kere/ so gilt nicht. Wolan so gelte der Trotz ynn Gottes namen/ Wenn es gerewet hat/ der las ab/ wer sich furchtet/ der fliehe. Mein ruckhalter ist mir starck vnd gewis gnug/ das weis ich. Ob mir schon die ganze welt anhienge vnd widderumb abfiele/ das ist mir ebē gleich/ vñ dencke/ Ist sie mir doch zuvor auch nicht angehangen/ da ich alleine war/ Wer nicht wil/ der lasse/ Wer nicht bleibt/ der far ymer hin/ Wer helt hie den andern/ sprach Kost am halseisen? Ich kan deste frölicher leben vnd sterben/ weil ich mit solchen gewissen lebe vñ sterbe/ das ich ia mit allem vleys hab der welt zu yhrem besten gedienet/ vnd die heilige schrift vnd Gottes wort also an den tag bracht/ als ynn tausent iaren nicht gewesen ist/ Ich hab das meine gethan/ Ewr blut sey auff ewrem eigen kopff/ vñ nicht ynn meinen henden.

Ich bit aber vmb Gottes willen nach ein einigs mal/ Ists euch möglich/ so seit mit dem Luther vnuerworren/ Es ist werlich der Luther nicht den yhr iagt/ Ihr solt vnd müsset vnd werdet/ des Luthers lere lassen stehen vnd bleibenn/ Wenn ewr gleich zehen welt auffeinander weren/ Mein leib ist bald auffgeribben/ Aber meine lere wird euch auffreiben vnd auffressen/ Vnd zwar mā solt ia schier spüren/ wes meine lere sey/ weil sie sich bis her/ so geweret hat/ das noch keiner hat yhr mügen abbrechen/ vnd fur manchem storm vnuerzagt vnd vnberwundē ist blieben. Die Schwermer meinē wol/ wenn sie den Luther vnter hetten/ so firen sie auff eitel wolcken.

wolcken. Die Papisten aber meinen/ vnd ich glaubes schier
auch/ Wo der Luther nicht were/ die schwermer solten gar
bald dünne werden vnd zu loch kriechen/ Sie stehen warlich
auff schwachen beinē/ so viel ich noch yr schriftt gelesen habe.

Dis mein geschweiz/ wolt mir ein iglicher frummer mensch
zu gut halten/ vñ bedencken/ das mirs not ist gewesen zu thū/
Da mit ein iglicher/ den es gelüst/ ein zeugnis habe von mir
selbs/ das ich meine lere nicht widder ruffen habe noch wil/
wie mich meine feinde aus vnd vntragen mit meinem brie-
ue an den König von Engelland/ sondern sich des viel mehr
versehe zu mir/ das ich yhe lenger/ yhe fester vnd stercker wer-
de (mit Gotts gnaden) ynn meiner lere/ weil beide Papisten
vnd schwermer/ yhe lenger yhe mehr/ lame/ faule/ lose zoten
schreiben/ yhren yrthū zu schutzen. Ob nu viel verfürte wer-
den/ So sey doch Gott gedanckt/ das er bey seinem heufflin
vnsere lere den sieg gibt/ vnd ihene zu schanden macht/ Sielen
noch alle Juden von Christo/ bis auff ein kleines heufflin/
Vnd ganz Asia von Paulo bis auff ein haus/ Vnd ganz
Galatia dazu/ Es ist wunder gnug vnd Gotts gnade/ das
acht menschen ynn der sindflut/ vnd drey menschen
zu Sodom blieben/ Wir können nicht mehr
thun/ wen sie nicht wollen hören/ den
das wir bekennen/ wie wirs mit
yhn nicht halten/ Gott
stercke vnd beware
vns ynn seiner gnade. Amen.

Gedruckt durch Heinrich Ottinger.

Faint, mostly illegible text in a Gothic script, likely a medieval manuscript. The text is arranged in several lines, with some words appearing to be in a different script or dialect. A small, light-colored rectangular mark is visible on the right side of the page.

Large, faint, illegible text at the bottom of the page, possibly a title or a large heading.



76 L 10 83

ULB Halle 3
004 173 163



No 21 5b.

5.





Auff des konigs zu
Engelland lester
Schrift titel
Mart. Luther.
Antwort.

Tom. III. Jen. Germ. p. m. 350. b.

M. D. xxvij.

